

بنفارق

بنخاصم بعض
ونتصالح
ونزعل ناس
وبنصفى ف لحظه
ونتعارك
وكمان ننداس
ملعونه الدنيا
اللى انا فيها
ده الظلم
مسكر مباتيها
وحكاوى الفقر نغنيها
ولا فى احساس
بنعاند روحنا
ونتسلى
واحلامنا نشوفها
ف مجله

وبتندب روحنا
واحواننا
ده اللى بيجرلك
وجرلنا
من رب الناس
عايشين ع الماضى
وف مكانا
وخطاوى دروبنا بتسألنا
السكه خلاص
ولا عمر ف يوم
راح نتهنى
الا ما نصفى ف ضمايرنا
ونصلى وندعى يغيرنا
ونشيل وسواس
ملعونه الدنيا
اللى تخلى
الواطى بيكبر ويعلى

ويدوس ع الناس
يانسايم فجر وصبحيه
الغدر خلاص اصبح غيه
ف قلوب الناس
مع ان ف لحظه
هانتفارق
ونسلم روحنا للخالق
خليك ع الخير
دايما سابق
ماتروحشى بلاش
دى الدنيا
دى الدنيا دى
كذبه وحدوته
مكتوبه ف ورقه
وف النوته
دنيا م تتعاش
بطمع فينا

وتسحرنا
ولا نقدر نكشف
اسراها
كلها الغاز
الشاطر فيها
اللى يعشها
يكشف اسرارها
وم...